

古詩源卷十一

長洲沈德潛確士選

宋詩

謝瞻

答靈運

夕霽風氣涼。閒房有餘清。開軒滅華燭。月露皓已盈。獨
夜無物役。寢者亦云寧。忽獲愁霖唱。懷勞奏所誠。歎彼
行旅艱。深茲眷言情。伊余雖寡慰。殷憂暫爲輕。牽率酬
嘉藻。長揖愧吾生。

九日從宋公戲馬臺集送孔令詩

宋高祖遊戲馬臺送

孔靖命僚佐賦詩
瞻作冠於一時

風至授寒服。霜降休百工。繁林收陽彩。密苑解華叢。巢
幕無畱燕。遵渚有來鴻。輕霞冠秋日。迅商薄清穹。聖心
眷嘉節。揚鑾戾行宮。四筵霑芳醴。中堂起絲桐。扶光迫
西汜。歡餘晏有窮。逝矣將歸客。養素克有終。臨流怨莫
從。歡心歎飛蓬。淮南子曰日出暘谷拂扶桑楚辭日出
自暘谷次於蒙汜。時晉帝尙存而崇
媚宋公至此視淵明有
餘慚矣康樂篇亦然

謝惠連

謝宣遠詩一味鏤刻失自然之致咏張子
房作爲生硬之尤者雖當時推重刪之

擣衣

衡紀無淹度。晷運倏如催。白露滋園菊。秋風落庭槐。肅
肅莎雞羽。烈烈寒螿啼。夕陰結空幕。宵月皓中閨。美人
戒裳服。端節相招携。簪玉出北房。鳴金步南階。欄高砧
響發。楹長杵聲哀。微芳起兩袖。輕汗染雙題。紈素既已
成。君子行未歸。裁用笥中刀。縫爲萬里衣。盈篋自予手。
幽緘俟君開。腰帶準疇昔。不知今是非。

衡。衡斗之中央也。○一
結能作情語不入纖靡

漢書日用昏建
者杓夜半建者

西陵遇風獻康樂

我行指孟春。春仲尚未發。趣途遠有期。念離情無歇。成
衰候。良辰漾舟陶嘉月。瞻塗意少悰。還顧情多闕。楚辭
日陶

嘉月兮總
駕陶喜也

哲兄感此別。相送越垌林。飲餞野亭館。分袂澄湖陰。悽
悽畱子言。眷眷浮客心。迴塘隱艫棹。遠望絕形音。

靡靡卽長路。戚戚抱遙悲。悲遙但自弭。路長當語誰。行
行道轉遠。去去情彌遲。昨發浦陽汭。今宿浙江湄。
屯雲蔽曾嶺。驚風湧飛流。零雨潤墳澤。落雪灑林耶。浮
氛晦崖巘。積素成原疇。曲汜薄亭旅。通川絕行舟。

臨津不得濟。佇楫阻風波。蕭條洲渚際。氣色少諧和。西
瞻興遊歎。東睇起悽歌。積憤成疾疢。無萱將如何。雅音
徘徊

清婉
可誦

秋懷

平生無志意。少少嬰憂患。如何乘苦心。矧復值秋晏。皎
皎天月明。奕奕河宿爛。蕭瑟含風蟬。寥唳度雲雁。寒商
動清閨。孤燈曖幽幔。耿介繁慮積。展轉長宵半。夷險難
預謀。倚伏昧前筭。雖好相如達。不同長卿慢。頗悅鄭生
偃。無取白衣宦。未知古人心。且從性所翫。賓至可命觴。

朋來當染翰。高臺驟登踐。清淺時歷亂。頽魄不再圓。傾
羲無兩日。金石終銷毀。丹青誓雕煥。各勉予髮歡。無貽
白首歎。因歌遂成賦。聊用布親串。雖好相如之達而不
同其慢。頗悅鄭均之
偃仰而無取其爲白衣尚書故下云且從性所翫也。○
汲冢紀年懿王元年天再旦於鄭。○串音慣。讀作穿上
非聲者。

泛湖歸出樓中望月

日落泛澄瀛。星羅游輕橈。憩樹面曲汜。臨流對迴潮。輟
策共駢筵。並坐相招要。哀鴻鳴沙渚。悲猿響山椒。亭亭
映江月。颺颺出谷飈。斐斐氣羃岫。泫泫露盈條。近矚祛

幽蘊遠視蕩諠。晤言不知罷。從夕至清朝。

謝莊

北宅秘園

夕天霽晚氣輕。霞澄暮陰微。風清幽幌。餘日照青林。收光漸窗歇。窮園自荒深。綠池翻素梟。秋懷響寒音。伊人儻同愛。絃酒共棲尋。

棲尋謂同棲息同遊尋也。○諸謝詩獨詳康樂餘所收從略。

鮑

照

明遠樂府如五丁鑿山開人世所未有。後太白往往效之。五言古亦在顏謝之間。

抗音吐懷每成亮節其高處遠軼機雲上追操植。○五言古雕琢與謝公相似自然處不及。

代東門行

代猶擬也。

傷禽惡。弦驚倦客。惡離聲。離聲斷。客情實。御皆涕。零涕
零心斷。絕將去。復還訣。一息不相知。何況異鄉別。遙遙
征駕遠。杳杳白日。晚居人掩閨。臥行子。夜中飯。野風吹
草木。行子心腸斷。食梅常苦酸。衣葛常苦寒。絲竹徒滿
座。憂人不解顏。長歌欲自慰。彌起長恨端。食梅常苦酸
一聯與青青

河畔草篇忽入枯桑知天
風海水知天寒一種神理

代放歌行

蓼蟲避葵莖。習苦不言非。小人自齷齪。安知曠士懷。雞
鳴洛城裏。禁門平旦開。冠蓋縱橫至。車馬四方來。素帶

曳長。飈華。纓結。遠埃。日中安能止。鐘鳴猶未歸。夷世不可逢。賢君信愛才。明慮自天斷。不受外嫌猜。一言分珪爵。片善辭草萊。豈伊白璧賜。將起黃金臺。今君有何疾。臨路獨遲迴。楚詞曰。蓼蟲不徒乎葵藿。言蓼蟲處辛辣。食苦惡不徒葵藿食甘美也。○素帶二語。寫盡富貴人塵俗之狀。漢詩中所謂冠帶日相索也。

代白頭吟

直如朱絲繩。清如玉壺冰。何慙宿昔意。猜恨坐相仍。人情賤恩舊。世議逐衰興。毫髮一爲瑕。邱山不可勝。食苗實碩鼠。點白信蒼蠅。鳧鵠遠成美。薪芻前見陵。申黜褒

女進班去趙姬升周王日淪惑漢帝益嗟稱心傷猶難
恃貌恭豈易憑古來共如此非君獨撫膺鳧鶴遠成美
言難以近而
忘其美鶴以所從來遠而覺其美也用田饒答魯哀公
語意○薪芻前見陵陵侵也卽譬如積薪後來者處上
意

代東武吟

主人且勿誼賤子歌一言僕本寒鄉士出身蒙漢恩始
隨張校尉占募到河源後逐李輕車追虜窮塞垣密塗
亘萬里窳歲猶七奔肌力盡鞍甲心思歷涼溫將軍旣
下世部曲亦罕存時事一朝異孤績誰復論少壯辭家

去窮老還入門腰。鎌刈葵藿倚杖牧雞豚。昔如韝上鷹。

今似檻中猿。徒結千載恨。空負百年怨。平聲棄席思君幄。

疲馬戀君軒。願垂晉主惠。不愧田子魂。張校尉謂張騫李輕車謂李蔡

○七奔左傳吳入州來子重子反于是乎一歲七奔命
○棄席用晉文公事疲馬用田子方事俱見韓詩外傳

代出自薊北門行

羽檄起邊亭。烽火入咸陽。徵師屯廣武。分兵救朔方。嚴

秋筋竿勁。胡陣精且彊。天子按劍怒。使者遙相望。雁行

緣石徑。魚貫度飛梁。蕭鼓流漢颺。旌甲被胡霜。疾風衝

塞起沙礫。自颺揚。馬毛縮如蝟。角弓不可張。時危見臣

節世亂識忠良。投軀報明主。身死爲國殤。

明遠能爲抗壯之音頗似

孟德

代鳴雁行

邕邕鳴鴈鳴。始旦齊行命侶入雲漢。中夜相失羣離亂。畱連徘徊不忍散。憔悴儀容君不知。辛苦風霜亦何爲。

代淮南王

淮南王好長生。服食鍊氣讀仙經。琉璃作盃牙作盤。金鼎玉七合神丹。合神丹戲紫房。紫房綵女弄明璫。鸞歌鳳舞斷君腸。朱城九門門九閨。願逐明月入君懷。入君

懷結君佩。怨君恨君。恃君愛君。築城思堅。劔思利同。盛同衰。莫相棄。

怨恨愛并在一句中是樂府句法下築城句是樂府神理

代春日行

獻歲發。吾將行。春山茂。春日明。園中鳥多嘉聲。梅始發。桃始青。泛舟艫。齊權驚。奏采菱。歌鹿鳴。微風起。波微生。絃亦發。酒亦傾。入蓮池。折桂枝。芳袖動。芬葉披。兩相思。兩不知。

聲情駘宕末六字比心悅君兮君不知更深

代白紵舞歌辭四首

保奉詔作

吳刀楚製爲佩褱。織羅霧縠垂羽衣。含商咀徵歌露晞。

珠履颯沓紈袖飛。淒風夏起素雲回。車怠馬煩客忘歸。
蘭膏明燭承夜輝。

桂宮柏寢擬天居。朱爵文窗韜綺疏。象牀瑤席鎮犀渠。
雕屏匝匝組帷舒。秦箏趙瑟挾笙竽。垂璫散珮盈玉除。
停觴不御欲誰須。

三星參差露霑濕。絲悲管清月將入。寒光蕭條候蟲急。
荆王流歎楚妃泣。紅顏難長時易戢。凝華結藻久延立。
非君之故豈安集。

池中赤鯉庖所捐。琴高乘去騰上天。命逢福世丁溢恩。

簪金藉綺升曲絃。恩厚德深委如山。潔誠洗志期暮年。
烏白馬角寧足言。

擬行路難

奉君金卮之美酒。瑇瑁玉匣之雕琴。七綵芙蓉之羽帳。
九華葡萄之錦衾。紅顏零落歲將暮。寒光宛轉時欲沈。
願君裁悲且減思。聽我抵節行路吟。不見柏梁銅雀上。
寧聞古時清吹音。

洛陽名工鑄爲金博山。千斲復萬鏤。上刻秦女攜手僊。
承君清夜之歡娛。列置幃裏明燭前。外發龍鱗之丹綵。

內含麝芬之紫煙。如今君心一朝異。對此長歎終百年。
璇閨玉墀上椒閣。文窗繡戶垂羅幕。中有一人字金蘭。
被服織羅采芳蠶。春燕參差風散梅。開幃對景弄春爵。
含歌攬涕恆抱愁。人生幾時得爲樂。寧作野中之雙鳧。
不願雲間之別鶴。

瀉水置平地。各自東西南北流。人生亦有命。安能行歎
復坐愁。酌酒以自寬。舉杯斷絕歌路難。心非木石豈無
感。吞聲躑躅不敢言。妙在不曾說破讀之自然生愁。起手無端而下如黃河落天走東

海也若移在中
間猶是恆調

對案不能食。拔劍擊柱長歎息。丈夫生世會幾時。安能
蹀躞垂羽翼。棄置罷官去。還家自休息。朝出與親辭。暮
還在親側。弄兒牀前戲。看婦機中織。自古聖賢盡貧賤。
何況我輩孤且直。

家庭之樂。豈宦道可比。明遠乃亦不免俗見。耶江淹恨賦亦以左對孺人。

顧弄稚子爲恨功名中人懷抱爾爾

愁思忽而至。跨馬出北門。舉頭四顧望。但見松柏園。荆
棘鬱蹲蹲。中有一鳥名杜鵑。言是古時蜀帝魂。聲音哀
苦鳴不息。羽毛憔悴似人髭。飛走樹間啄蟲蟻。豈憶往
日天子尊。念此死生變化非常理。中心惻愴不能言。

已書卷十一
九
中庭五株桃。一株先作花。陽春妖冶。二三月。從風簸蕩。
落西家。西家思婦見悲惋。零淚沾衣撫心歎。初我送君
出戶時。何言淹留節迴換。牀席生塵明鏡垢。纖腰瘦削
髮蓬亂。人生不得恆稱意。惆悵倚徙至夜半。

劉槃染黃絲。黃絲歷亂不可治。我昔與君始相值。爾時
自謂可君意。結帶與君言。死生好惡不相置。今朝見我
顏色衰。意中索寞與先異。還君金釵玳瑁簪。不忍見之
益愁思。

悲涼跌宕曼聲促
節體自明遠獨矧

梅花落

中庭雜樹多。偏爲梅杏嗟。問君何獨然。念其霜中能作
花。霜中能作實。搖蕩春風媚。春日念爾零。落逐寒風徒
有霜。華無霜質。

以花字聯上嗟字成韻以實字聯下日字成韻格法甚奇

登黃鶴磯

木落江渡寒。雁還風送秋。臨流斷商絃。瞰川悲棹謳。適
郢無東轅。還夏有西浮。三崖隱丹磴。九派引滄流。淚竹
感湘別。弄珠懷漢游。豈伊藥餌泰。得奪旅人幽。

出語蒼
堅發端

力有

日落望江贈荀丞

旅人乏愉樂。薄暮增思深。日落嶺雲歸。延頸望江陰。亂
流瀰大壑。長霧匝高林。林際無窮極。雲邊不可尋。惟見
獨飛鳥。千里一揚音。推其感物情。則知遊子心。君居帝
京內。高會日揮金。豈念暮羣客。咨嗟戀景沉。

吳興黃浦亭庾中郎別

風起洲渚寒。雲上日無輝。連山眇煙霧。長波迴難依。旅
雁方南過。浮客未西歸。已經江海別。復與親眷違。奔景
易有窮。離袖安可揮。懽觴爲悲酌。歌服成泣衣。溫念終
不渝。藻志遠存追。役人多牽滯。顧路暫奮飛。昧心附遠

翰炯言藏佩章

贈傅都曹別

輕鴻戲江潭。孤雁集洲沚。邂逅兩相親。緣念共無已。風
雨好東西。一隔頓萬里。追憶棲宿時。聲容滿心耳。落日
川渚寒。愁雲繞天起。短翮不能翔。徘徊煙霧裏。

行京口至竹里

高柯危且竦。鋒石橫復仄。複澗隱松聲。重崖伏雲色。冰
閉塞方壯。風動鳥傾翼。斯志逢彫巖。孤遊值曛逼。兼塗
無憩鞍。半菽不遑食。君子樹令名。細人效命力。不見長

古詩源卷十一
二
河水清濁俱不息

上潯陽還都道中作

昨夜宿南陵。今旦入蘆洲。客行惜日月。崩波不可留。侵
星赴早路。畢景逐前儔。鱗鱗夕雲起。獵獵晚風遒。騰沙
鬱黃霧。翻浪揚白鷗。登艫眺淮甸。掩泣望荆流。絕目盡
平原。時見遠煙浮。倏忽坐還合。俄思甚兼秋。未嘗違戶
庭。安能千里游。誰令之古節。貽此越鄉憂。

發後渚

江上氣蚤寒。仲秋始霜雪。從軍乏衣糧。方冬與家別。蕭

條背鄉心。悽愴清渚。發涼埃暉。平皋飛潮。隱修樾孤光。
獨徘徊空煙。視昇滅塗。隨前峯遠。意逐後雲。結華志分。
馳年韶顏。慘驚節。推琴三起。歎聲爲君斷絕。
近
珠句。蓋生澀。不肯凡

詠史

五都矜財雄。三川養聲利。千金不市死。明經有高位。
京城十二衢。飛甍各鱗次。仕子彰華纓。游客竦輕轡。
明星晨未晞。軒蓋已雲至。賓御紛颯沓。鞍馬光照地。
寒暑在一時。繁華及春媚。君平獨寂莫。身世兩相棄。
陶朱公曰。吾聞千金

己言游考十一
之子不死於市。○住得斗
絕昔人所謂勒舞馬勢也

擬古

魯客事楚王。懷金襲丹素。既荷主人恩。又蒙令尹顧。日
晏罷朝歸。輿馬塞衢路。宗黨生光輝。賓僕遠傾慕。富貴
人所欲。道德亦何懼。南國有儒生。迷方獨淪誤。伐木清
江湄。設置守龜免。

十五諷詩書。篇翰靡不通。弱冠參多士。飛步遊秦宮。側
覩君子論。預見古人風。兩說窮舌端。五車摧筆鋒。羞當
白璧貺。恥受聊城功。晚節從世務。乘障遠和戎。解佩襲

犀渠卷裘奉盧弓始願力不足安知今所終

韓詩外傳楚襄王遣

使者持金千斤白璧百雙聘莊子爲相莊子不許

幽并重騎射少年好馳逐韃帶佩雙鞬象弧插雕服獸
肥春草短飛鞞越平陸朝游雁門上暮還樓煩宿石梁
有餘勁驚雀無全目漢虜方未和邊城屢翻覆畱我一

白羽將以分符竹

闕子曰宋景公使弓人爲弓九年乃成公援弓東面而射之矢踰於西霜

之山集於彭城之東其餘力益勁猶飲羽於石梁○帝王世紀曰羿與吳賀北遊賀使羿射雀羿日生之乎殼之乎賀曰射其左目羿中其右目抑首而媿終身不忘

鑿井北陵隈百丈不及泉生事本瀾漫何用獨精堅幼

壯重寸陰。衰暮及輕年。放駕息朝歌。提爵止中山。日夕登城隅。周迴視洛川。街衢積凍草。城郭宿寒煙。繁華悉何在。宮闕久崩填。空謗齊景非。徒稱夷叔賢。末卽賢愚同盡意

河畔草木黃。胡雁已矯翼。秋螢扶戶吟。寒婦成夜織。去歲征人還。流傳舊相識。聞君上隴時。東望久歎息。宿昔改衣帶。朝夕異容色。念此憂如何。夜長愁更多。明鏡塵

匣中。瑤琴生網羅。扶戶吟扶猶依也

蜀漢多奇山。仰望與雲平。陰崖積夏雪。陽谷散秋榮。朝朝見雲歸。夜夜聞猿鳴。憂人本自悲。孤客易傷情。臨堂

設樽酒。留酌思平生。石以堅爲性。君勿慙素誠。

擬古諸作得陳

思太冲
遺意

紹古辭

橘生湘水側。菲陋人莫傳。逢君金華宴。得在玉几前。三
川窮名利。京洛富妖妍。恩榮難久恃。隆寵易衰偏。觀席
妾悽愴。覩翰君泣然。徒抱忠孝志。猶爲葑菲遷。

昔與君別時。蠶妾初獻絲。何言年月駛。寒衣已擣治。縹
繡多廢亂。篇帛久塵縑。離心壯爲劇。飛念如懸旗。石席

我不爽。德音君勿欺。

易旌爲旗。古人亦有此種強押。

言言漢卷十一
瑟瑟涼海風。竦竦寒山木。紛紛羈思盈。慊慊夜絃促。訪
言山海路。千里歌別鶴。絃絕空谷嗟。形音誰賞錄。辛苦
異人狀。美貌改如玉。徒畜巧言鳥。不解心欵曲。

學劉公幹體

胡風吹朔雪。千里度龍山。集君瑤臺上。飛舞兩楹前。茲
晨自爲美。當避艷陽天。艷陽桃李節。皎潔不成妍。

遇銅山握黃精

土肪閔中經。水芝韜內策。寶餌緩童年。命藥駐衰曆。矧
蓄終古情。重拾煙霧迹。羊角棲斷雲。榼口流隘石。銅溪

晝森沉。乳竇夜涓滴。既類風門磴。復像天井壁。蹠蹠寒
葉離。濃濃秋水積。松色隨野深。月露依草白。空守江海
思。豈愧梁鄭客。得仁古無怨。順道今何惜。

清而幽謝公
詩中無此一

種此唐人
先聲也

秋夜

遯跡避紛喧。貨農棲寂寞。荒徑馳野鼠。空庭聚山雀。既
遠人世歡。還賴泉卉樂。折柳樊場圃。負綆汲潭壑。霽旦
見雲峯。風夜聞海鶴。江介早寒來。白露先秋落。麻壘方
結葉。瓜田已掃籜。傾暉忽西下。迴景思華幕。攀蘿席中

軒臨觴不能酌。終古自多恨。幽悲共淪鑠。

翫月城西門廨中

始見西南流。纖纖如玉鉤。未映西北墀。娟娟似娥眉。娥
眉蔽珠櫳。玉鉤隔鎖窗。三五二八時。千里與君同。夜移
衡漢落。裴徊帷戶中。歸華先委露。別葉蚤辭風。客遊厭
苦辛。仕子倦飄塵。休澣自公日。宴慰及私辰。蜀琴抽白
雪。郢曲發陽春。肴乾酒未闕。金壺起夕淪。迴軒駐輕蓋。
畱酌待情人。少陵所云俊逸應指此種

鮑令暉

代葛沙門妻郭小玉作

明月何皎皎。垂幌照羅茵。若共相思夜。知同憂怨晨。芳華豈矜貌。霜露不憐人。君非青雲逝。飄迹事咸秦。妾持一生淚。經秋復度春。

題書後寄行人

自君之出矣。臨軒不解顏。砧杵夜不發。高門晝恆關。帳中流熠燿。庭前華紫蘭。楊枯識節異。鴻歸知客寒。遊用暮冬盡。除春待君還。

楊枯十字作意

吳邁遠

胡笳曲

輕命重意氣。古來豈但今。緩頰獻一說。揚眉受千金。邊風落塞草。鳴笳墮飛禽。越情結楚思。漢耳聽胡音。既懷離俗傷。復悲朝光侵。日當故鄉沒。遙見浮雲陰。

古意贈今人

寒鄉無異服。氊褐代文練。日月望君歸。年年不解綰。荆揚春蚤和。幽薊猶霜霰。北塞妾已知。南心君不見。誰爲道辛苦。寄情雙飛燕。形迫杼煎絲。顏落風催電。容華一朝改。惟餘心不變。

北塞南心
巧於著詞

長相思

晨有行路客。依依造門端。人馬風塵色。知從河塞還。時
我有同棲結宦游。邯鄲將不異客子。分饑復共寒。煩君
尺帛書。寸心從此殫。遣妾長憔悴。豈復歌笑顏。簷隱千
霜樹。庭苦十載蘭。經春不舉袖。秋落寧復看。一見願道
意。君門已九關。虞卿棄相印。擔簦爲同歡。閨陰欲蚤霜。
何事空盤桓。

王微

雜詩

思婦臨高臺。長想憑華軒。弄絃不成曲。哀歌送苦言。箕
帚留江介。良人處雁門。詎憶無衣苦。但知狐白溫。日暗
牛羊下。野雀滿空園。孟冬寒風起。東壁正中昏。朱火獨
照人。抱景自愁怨。誰知心曲亂。所思不可論。

王僧達

答顏延年

長卿冠華陽。仲連擅海陰。珪璋旣文府。精理亦道心。君
子聳高駕。塵軌實爲林。崇情符遠跡。清氣溢素襟。結遊
略年義。篤顧棄浮沉。寒榮共偃曝。春醞時獻斟。聿來歲

序暄輕雲出東岑。麥壟多秀色。楊園流好音。歡此乘日
暇。忽忘逝景侵。幽衷何用慰。翰墨久謠吟。棲鳳難爲條。
淑貺非所臨。誦以永周旋。匣以代兼金。

亦着意追琢。答顏詩與顏體相

似。○莊子曰忘年志義振於無境

和琅瑯王依古

少年好馳俠。旅宦遊關源。既踐終古跡。聊訊興亡言。隆
周爲藪澤。皇漢成山樊。久沒離宮地。安識壽陵園。仲秋
邊風起。孤蓬卷霜根。白日無精景。黃沙千里昏。顯軌莫
殊轍。幽途豈異魂。聖賢良已矣。抱命復何怨。

壽陵景帝陵也

沈慶之

侍宴詩

南史云孝武令羣臣賦詩慶之有口辯手不能書上令作賦慶之曰臣請口授

師伯上令顏師伯執筆慶之云云上甚悅眾坐並稱其詞意之美

微生遇多幸得逢時運昌朽老筋力盡徒步還南岡辭

榮此聖世何媿張子房

武臣詩不嫌其直與曹景宗詩並傳

陸凱

贈范曄詩

荆州記曰凱與范曄交善自江南寄梅花一枝與曄贈詩云云

折花逢驛使寄與隴頭人江南無所有聊贈一枝春

湯惠休

怨詩行

明月照高樓。含君千里光。巷中情思滿。斷絕孤妾腸。悲風盪帷帳。瑤翠坐自傷。妾心依天末。思與浮雲長。嘯歌視秋草。幽葉豈再揚。暮蘭不待歲。離華能幾芳。願作張女引。流悲繞君堂。君堂嚴且秘。絕調徒飛揚。只一起便是絕唱文通碧雲之句。庶足相擬。○禪寂人作情語。轉覺入微。微處亦可証禪也。○顏延之謂惠休制作委巷。巷間歌謠耳。方當誤後生。豈因其近於艷耶。

劉侯

詩一首

城上草植根非不高所恨風霜蚤

似謠

漁父

答孫緬歌

南史潯陽太守孫緬遇漁父與論用世之道漁父曰僕山海狂人不達世

務未辨貧賤無論榮貴乃歌

云云於是悠然鼓枻而去

竹竿籊籊河水泱泱相忘爲樂貪餌吞鈞非夷非惠聊

以忘憂

東方先生曰首陽爲拙柳下爲工此斟酌於工拙之間

宋人歌

南史檀道濟宋之良將爲敵所畏宋主疑而殺之宋人作歌

可憐白符鳩枉殺檀江州

石城謠

南史袁粲謀舉兵誅齊高帝褚淵發其謀粲遇害而淵獨輔政百姓語曰

可憐石頭城，寧爲袁粲死，不作褚淵生。

青溪小姑歌

蔣侯妹

日暮風吹葉，落依枝。丹心寸意愁君未知。

古詩源卷十一終